

Image not found


<https://lirica.medievalstudies.uniroma1.it/sites/all/themes/business/logo.png>


Published on *Lirica Medievale Romanza* (<https://letteraturaeuropea.let.uniroma1.it>)

Home > THIBAUT DE CHAMPAGNE > EDIZIONE > Je ne vois mais nului qui gieut ne chant >
Tradizione manoscritta > CANZONIERE M > Edizione diplomatica

Edizione diplomatica

[c. 63 v. D]

image not found https://letteraturaeuropea.let.uniroma1.it/?q=sites/default/files/styles/330_px/.../Fran%G3%A7ais_814_Lambert_1%27Aveugle_btv1b84192440_144.jpg&itok=B9AGsN...  image not found https://letteraturaeuropea.let.uniroma1.it/?q=sites/default/files/styles/330_px/.../Fran%G3%A7ais_814_Lambert_1%27Aveugle_btv1b84192440_144.jpg&itok=B9AGsN... 	TE ne uoi mes nului qui gent ne chant ne uolentier face feste ne ioie. (et) porce aige demore longuement. que nai chante ainsi que ie soloie ne ie aurai eu (com)mandement. (et) por ice saige dit folement en ma chancon por ce que ie uoldroie ne men doit on reprendre Grant pechie fait qui fin ami reprent nil naime pas malement. qui por dis se chastoie. (et) la costume est tex de fins amans plus pense a li (et) il plus se desroie. qui en a - mor a tot cuer et talant il doit sosfrin bien (et) mal merciant. (et) qui ainsi ne fait il se foloie. ne ia naura grant ioie en so(n) uiuant. Si maist dex onq(ue)s ne ui nu - lui tres bien amer qui sen poist retraire (et) cil est fox (et) fel (et) plains danui qui autrement uelt mener son a faire. hai; sauiez este la ou ie fui. douce dame sai(n)z rien damors (con)nui uostre fins cuers qui si pert debonaire auroit merci sonq(ue)s riens lot dautrui. Q(ua)nt plus me(n)chau ce amors (et) mains li fui. cist max est
---	--



bien a toz autres (con)traies. que qui aime
ains dex ne fist celui nestuit souuent
de ses max ioie faire. de uos amer onq(ue)s
ne me recrui. puis cele eure dame que uo
stre fui. que mes fins cuers me fist ta(n)t
a moi plaire dont maugre soi de ce que
ien lencrui. Si sui pensis q(ue) ne sai q(ue) ie
quier fors que merci dame si uos agree
que bien sauez ia niert en reprouuier
dorguellex cuer bone chancon chante.
mes par pitie se doit on essaucier ne ia
orguiaus ne si doit herbegier la ou il a
damors tel renomee ainz doit le sien b(ie)n
fere (et) auancier. Chancon di li que tot
ce na mestier que sele auoit cent foiz
mamort iuree si mestuet il remeindre
en son dangier.

- letto 252 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-3045>